

Larcapuesque de Nerbonne espris dune tres grieue maladie et de fieure ague languissant par foiblesce de sa nature repute et compte pour mort de tous ceulx qui environ lui estoient car il auoit les yeulx clos comme vng homme mort a linuocacion de saint Yve faite pour le salut dicelui par ses amis en grans larmes veulx et deuocions pour la priere dudit saint fu restitue a la vie veue et sante par la grace et vertu dicelui dont il est escript que il enlumine les yeulx donne vie sante benediction et clarte sapience et graces soient a icelui. Dieu createur enlumineur et nostre sauueur par tout le siecle des siecles, amen.

---